


Kesyon Esansyèl: Kòman Abe te rive chanje lavi Jane?



Jane Fè yon Dekouvèt

Yon bon jou nan mwa septanm 1825, manman ak papa Jane t ap ankouraje l pou l aprann li. Jane te **refize** fè sa. Li te **prefere** travay nan fèm menm jan avèk frè l yo. Jane te telman fache ak paran l, li pran kouri. Lè l t ap kouri li pa t ap gade; se konsa li frape nan pye yon moun ki te chita anba yon pye bwa. Lè l vire gade dèye li we se te vwazen l Abe Lincoln ki t ap li yon liv. Jane rekonèt Abe lamem, epi l konnen li te yon gwo travayè. Li pat menm jan ak lòt ti mesye Perry County yo. Abe te diferan. Li toujou pase tout tan lib li genyen pou l ap li.

« Kisa w genyen w ap kouri konsa, » Abe mande Jane. « Eske w frape. »

« Mwen byen, » Jane di Abe, « Mwen fache ak paran m paske yo vle pou m aprann li. » Abe gade liv la epi après li gade Jane. « Fè lekti ka chanje vi w. » Abe di Jane.

Abe montre Jane yon liv osijè George Washington. Se te yon liv youn nan pwofesè li te fè l kado. Li li liv la epi Jane chita ap koute. Li li kòman George Washington te **brav** epi kòman li te yon **lidè** ekstraòdinè.

«Yon jou m ta renmen **kouraje** menm jan ak George Washington,» Abe di Jane ak fyète. «Yon jou fòm vin prezidan Etazini tou. »

«M kwè w ap yon bon lidè, » Jane di Abe. «Ou gentan montre ou se yon bon lidè. Ou chanje lide m sou zafè lekti a konplètman. »

Abe souri epi l di: «Al di paran w w ap aprann li. Vin jwenn mwen la chak jou pou n ka li ansanm.»

Nan kòmansman Jane te santi l on ti jan **nève**, men après a li vin santi l byen.

Yon jou apremidi konsa Abe te fè l yon gwo sipriz. Li te fèl kado liv prefere l la.

«Mèsi, Abe. » Jane di l. «Koulye a m konn li; m pa gen dwa janm sispan li.»

Yon bon jou konsa Jane ouvè yon jounal pou l li epi l wè se zanmi l Abe ki eli prezidan Etazi. Li souri epi sa fè l sonje jou li t ap kouri epi l te frape nan pye Abe ki te chita anba yon pye bwa ki t ap li; jou kite chanje lavi pa l tou.

Koz ak efè

Pèsonaj yo:	
Ki kote istwa pase?	
Koz Jane te fache paske manman l ak papa l te vle l aprann li	Efè Jane refize epi l pran kouri pou l ta l kalme l.
Koz	Efè

